

22 Maart 2012

Jaargang 5 – Uitgawe 8

In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Kommentaar
- Agterblad
- Aanhangsel



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za

VOORBLAD

Islamokrasie in Afrika

Mý Islam vlieg nie vliegtuie in hoë geboue vas nie. Aan die woord is prof Hussein Solomon, senior dosent in Politieke Wetenskap aan die Universiteit van die Vrystaat, en self 'n toegewyde Moslem, wat meen ekstremiste gee aan Islam 'n slegte naam.

In dié paar woorde vat Solomon die kernprobleem vas om die Islam deur die Westerse bril te bekyk, en die Islamokratiese beweging wat ook Afrika raak, deur 'n Westers-demokratiese bril te bekyk. Solomon gaan so ver om te beweer die Moslem-broederskap het noue bande met Hitler en die Nazi's gehad, en dat Goebels se Nazi-propaganda onverdund vir Islam-ekstremisme aangewend word.

Met die aanbreek van die Arabiese domino-revolusie was daar geen twyfel nie – die opstandelinge was pro-demokrasie, en volgens van die Europese Moslem-ontleders, pro-regstaat. Dit raak Tunisië, Egipte en Libië. Beteken dit die demokratiese en regstaat-ideale is daarmee heen?

Hul mees verstaanbare verduideliking is dat Moslem-Arabiese staatkundige denke nie maklik in die Westerse idioom getranskribeer kan word nie. En dan is daar boonop nog talryke variasies. In Sirië, met sy tussen 10 en 15 persent erg heterogene Christene, is die meerderheid Soenie-Moslems, waarvan die meerderheid Arabiere is, maar ook kleiner groepe soos die Koerde insluit. Die Sjiïete is 'n kleinerige minderheid, en die Assad-regerende klik behoort tot 'n sekte hiervan, die Alawiete. Die Alawiete het bande met Iran en die Hisbollah in Libanon, dus die verbete stryd om Assad aan bewind te hou – al erken nie Soenie of Sjiïet in die reël Alawiete as Moslems nie.

Duitsland trek Moslems van oor die wêreld, en sedert die verpligte onderrig van godsdien (maar nie die verpligte neem daarvan nie) op skool nou die Islam as alternatiewe keuse vir die Christelike godsdiensoonderrig aanbied, is dit 'n komplekse proses om geskikte Moslem-onderwysers te kry wat waardes aanleer, en nie by wyse van spreke bommaakklasse nie.

Die eerste probleem is dat Westerlinge se persepsie deur 'n sekere bril gevorm word. Vir baie mense is 'n tipiese Islamitiese staat 'n land soos Saoedi-Arabië, waar 'n absolute monargie die septer swaai en terselfdertyd die Islam onderhou. Ander *rolmodelle* lyk nie veel aantrekliker nie – Ghaddafi, Bashar al-Asad, Saddam, Omar al Bashir – aanwinste vir enige muishondgalery.

Van wes na oos deur Afrika loop 'n vaag omlynde korridor wat 'n Moslem-noorde van 'n Christen-animitiese suide skei. Soedan is pas langs hierdie lyn verdeel, maar in ander lande volg dit nie die staatsgrense nie. Die Ivoorkus, met 'n meerderheid Moslems, was verlede jaar in 'n bloedbad toe die Rooms-Katolieke president na 'n verkiesingsneerlaag teen 'n Moslem, aan die mag probeer klou het. In Nigerië moet Christen- en Moslem-presidente mekaar aflos, 'n reëling wat onder gematigdes redelik werk, maar vir ekstremiste soos die Boko Haram en hul aandrang op die landwye toepassing van die Sjaria 'n gruwel is. In Somalië is die Al-Kaïda-verwante Al Shabaab 'n vlieg in die self wat kompleks gemaak word deurdat die noordoostelike gebiede van Kenia veral vroeër deur etniese Somaliërs bewoon is, en sedert die mislukte Sjiffta-afskeidingsoorlog erge diskriminasie ervaar.

Herman Toerien

*** 'n Reeks artikels van Herman Toerien oor die rol van Islam in Afrika word oorweeg vir plasing in *Die Hervormer*. Dit is 'n feit dat die Christendom in Afrika groei. Dit gebeur op baie plekke ten spyte van volgehoue en dikwels bloedige aanslae van die kant van die Moslems. Dit is 'n ereplig dat ons vir hierdie broers en susters van ons, met wie ons nie net ons geloof nie maar ook ons vasteland deel, voorbidding bly doen. (Redaksie)

Skakels

Webblad van die Hervormde Kerk www.nhk.co.za

Die Hervormer www.hervormer.co.za

e-Hervormer

www.hervormer.co.za/e_Hervormer.html

Indien u nie weer die e-Hervormer wil ontvang nie, klik op www.hervormer.co.za/cancel.html



BEROEPE EN STANDPLASE

Kontak die webbladredakteur, prof Ernest van Eck, by ernest.vaneck@up.ac.za om vakante standplase op die Kerk se amptelike webblad by www.nhk.co.za te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.

Beroep ontvang

- **Ds Lorret de Leeuw** van Port Elizabeth (deeltyds) na Vaalharts (volsorg)
- **Prop Steve Oxton** na Silverton (volsorg)



Ds Lorret de Leeuw

Prop Steve Oxton

PREDIKANTE EN GEMEENTES

Alle lief en leed vir plasing in die kerklike publikasies moet aan die Sekretaris vir SENTIK, dr Wouter van Wyk, by wouter@nhk.co.za gestuur word, of skakel hom by 082 339 2332.

- Daar bestaan geruime tyd reeds leë artikels aangaande die Hervormde Kerk op sowel die Engelse as die Afrikaanse weergawes van die internet gebaseerde ensiklopedie **Wikipedia**. Daar is nou begin om die artikels sinvol uit te brei. Aangesien Wikipedia 'n oop forum is, kan enigeen daar bydraes maak of bestaande artikels verander. Kom skryf saam aan die Kerk se artikel(s)! Vermy asseblief die verandering van die huidige artikel en skryf eerder nuwes, wat net aan die huidige gekoppel word. Indien iemand wil aanbied om die huidige artikel in Engels te vertaal, kan dr Wouter van Wyk gekontak word by 082 339 2332. Die skakel is http://af.wikipedia.org/wiki/Nederduitsch_Hervormde_Kerk.
- **Gemeente Bloemfontein-Wes** se erediens op Sondag 18 Maart is bygewoon deur die argitek van hul kerkgebou, mnr Hans Koorts, en sy gade Mariaan, wat as orrelis opgetree het. Die kerkgebou is op 20 Maart 1982 in gebruik geneem.
- **Gemeente Worcester** se **amptelike adres** is nou Post Net Suite 205, Privaatsak X3109, Worcester 6849. Die gemeente het ook 'n **nuwe skriba** en 'n **nuwe kassier**. Die skriba is Ronel Crafford (Ronel.Crafford@MF.co.za) en die kassier is Debbie Scholtz (dscholtz@burchells.co.za).
- **Gemeente Chrissiesmeer** word **120 jaar oud op 6 April 2012**. Die hoeksteen van die kerkgebou is op 20 April 1892 deur oudl (genl) FG Joubert gelê. Enigeen wat beskik oor foto's, inligting en vertellings kan die skriba, Theuns van de Vyver, kontak by 072 376 1403 of theunsvdv@vodamail.co.za.
- **Gemeente Eendracht** word **100 jaar oud op 20 April 2017**. Enigeen wat beskik oor foto's en/of inligting, veral oor die jare voor 1970, wat in 'n feesbundel opgeneem kan word, kan ds Werner Olivier kontak by 082 412 7144, 017 683 0067 of werner.olivier69@gmail.com.
- **Gemeente Buffelspoort** (by Mooinooi) beskik oor 'n vakature vir 'n **orrelis**. Stuur aansoeke aan mev Sarie van den Berg by marikana@nhk.co.za, of kontak haar by 083 654 0626.
- **Preekbeurte in Dullstroom**. Predikante kan by Gemeente Dullstroom preek en gratis verblyf vir die naweek kry. Die verblyf is vir die predikant en sy/haar gade en 'n voorskoolse kind. Vir ander kinders moet self betaal word. Kontak Johanna by nhkdullstroom@yahoo.com of 072 116 3353.

Spesiale eredienste

- **Gemeente Potchefstroom: Dankdiens vir 170 jaar Sondag 25 Maart om 11:00**



Ds Gert van Staden



Dr Frans Boshoff

Oudste gemeente van ons Kerk!
Met boodskappe van gelukwense
Ete na die erediens

Verwittig ds Willem Kok by 083 664 0058 as u die geleentheid gaan bywoon

- **Gemeente Bloemfontein-Wes: Paassangdiens
Sondag 25 Maart**
Ds Gert (GC) van Staden (emeritus) lei die diens
Hy het ook die kerk se ingebruiknemingsdiens op 20 Maart 1982 gelei
Navrae aan ds Lewis Strauss by 051 522 8825
of ljstrauss@lantic.net
- **Gemeente Bergsig: Paassangdiens
Sondag 25 Maart om 18:00**
Sanger Jan de Wet tree op tydens erediens
Navrae aan Marie de Wet by 082 402 4170
of bergsignhk@gmail.com
- **Gemeente Chrissiesmeer: Feesrede vir 120ste bestaansjaar
Sondag 1 April om 11:00**
Diens deur dr Frans Boshoff
Navrae aan die skriba, Theuns van de Vyver
072 376 1403 of theunsvdv@vodamail.co.za
- **Gemeente Secunda: Dankdiens en Nagmaal
Sondag 15 April**
Na inwyding van saal en jeugkompleks (sien basaarinligting bladsy 5)
Skakel 017 631 2796 (Ma-Do 09:00-13:00) vir meer inligting
- **Gemeente Bronkhorstspuit: Eeufeesviering
Sondag 22 April om 09:00**
Kerkgebou vanjaar 100 jaar oud
Erediens en ete daarna
Alle oudlidmate welkom
Laat weet Gerda by 013 932 2929 (Di-Do 08:00-16:00) as u gaan bywoon
- **Gemeente Kruin: 25-jaar-viering vir ds Kobus Pienaar
Sondag 13 Mei**
Gelukwense deur oudl Pieter de Bruyn van die Kommissie van die AKV
Navrae aan nhkkrui@gmail.com

Predikanteverjaardae

- **Die volgende predikante verjaar tot 30 Maart, en word hartlik geluk gewens.**
 - Vrydag 23 Maart: Ds Bernie Sneygans (Hartebeestpoort)
 - Saterdag 24 Maart: Ds Janine Bevollo-Manders (Witfontein)
 - Sondag 25 Maart: Ds Barnie van der Walt (Bybelgenootskap)
 - Maandag 26 Maart: Di Dirk Stoltz (emeritus) en Anton Swanepoel (emeritus)
 - Dinsdag 27 Maart: Ds Barry van Schalkwyk (Drie Riviere-Oos)
 - Woensdag 28 Maart: Di Lorret de Leeuw (Port Elizabeth), Mariët Robbertze (Magaliesmoot) en Jaco van Sittert (Randburg)
 - Donderdag 29 Maart: Di Jan-Harm Barkhuizen (Weskus), Petri van Rooyen (Joachim Prinsloo/Ruskoppies) en dr Frans Boshoff (emeritus)
 - Vrydag 30 Maart: Ds Thomas Dreyer (Durban)



Beplande vergaderings

- Vrydag 23 Maart: Redaksie van *Die Hervormer* (nuwe datum)

Konserte en feeste

- **Saterdag 14 April: NHSV Losberg in Fochville**
Griekse aand met Yoti die Griekse Boertjie
In die Burgersentrum
R100 vir volwassenes, R50 vir laerskoolkinders
Kontak Sannietjie Boshoff by 018 771 2617
- **Sondag 3 Junie om 15:00: Gemeente Nelspruit**
Songs of Praise
Met Richard Cock
Kerkgebou, Belladonnastraat 120, Nelspruit
Toegang R75
Bespreek by kerkkantoor (013 741 1455), kaartjies ook by deur beskikbaar
Navrae by 082 460 8252

Sportbyeenkomste

- **Saterdag 21 April: RDV Laeveld: Gholfdag**
In die mooi omgewing van Tzaneen
Skakel Hendrik van Schalkwyk by 082 443 3864

Kompetisies en fondsinsamelings

- **Gemeente Tzaneen: Groot 3-kompetisie**
Sluitingsdatum 31 Mei 2012
Kaartjies R50
Wen een van 3 groot pryse
Geborg deur FNB Tzaneen,
AMC Classic se plaaslike agent, Ria Lourens (083 727 3951),
VW Lannie Motors Tzaneen,
en skenkings van lidmate en weldoeners
Pryse vir jagters, kokke én tekno's!
Prys 1: Jagnaweek in die Waterpoort, 1 eland, 1 koedoe, 1 rooibok
Prys 2: AMC Classic kookstel, waarde R15 000
Prys 3: iPad ter waarde van R6 500
Navrae aan gemeentelike kerkkantoor by 015 307 4508
of ds Richard van der Westhuizen by 072 144 7514
- **Gemeente Philadelphia: Fietstoer 2012**
Julievakansie
31ste jaarlikse fietstoer van die studentegemeente
40 studente ry vir 15 dae fiets om fondse in te samel vir liefdadigheid
Begin in Pretoria, dan na Gemeente Kempton Park-Oos
Hulle was vensters, dra inkopiesakkies, dans, sing, lê voor mense se motors...
Enigiets wat jou laat lag en laat bydra
Borge baie welkom!
30 Junie Pretoria
1 Julie Kempton Park
2 Julie Drie Riviere
3 Julie Vanderbijlpark
4 Julie Sasolburg
5 Julie Parys
6 Julie Toernaweek



9 Julie Welkom
10 Julie Wolmaransstad
11 Julie Klerksdorp
12 Julie Potchefstroom
13 Julie Krugersdorp
14 Julie Pretoria

Navrae? Borgskappe? Wil u saam kom fietstrap?

Kontak Fanie Willers (toerleier): fanie.willers@gmail.com of 072 494 8735

Lizaan Britz (ondertoerleier/bemaking): lizaanbritz8@gmail.com of 076 315 4218

E-pos: philadelphia@nhk.co.za

Webwerf: www.philadelphia.co.za

Basaars en markte

- **Saterdag 24 Maart 08:00 tot 13:00: Gemeente Theresapark: Minibasaar**
Kerkterrein te Springboklaan, Theresapark
Veiling met ware winskopies – kom vroeg!
Heerlike eetgoed (pap-en-kaiings, afval, gebak, pannekoek, ens)
Vermaak vir die kinders
Navrae aan 012 542 3568 / 012 542 1321 / 073 099 3699
- **Saterdag 31 Maart: Diakonie van Gemeente Losberg in Fochville Boeremark**
Op kerkterrein
Stalletjies te huur teen R100 en R150 met krag
Markte ook op 5 Mei, 30 Junie, 4 Augustus,
8 September, 29 September en 1 Desember
Besonderhede en bespreking by kerkkantoor (018 771 2617)
- **Saterdag 7 April: Gemeente Naboomspruit: Basaar**
Gewilde vleisstalletjie, witolifanttafel, veiling
Met kunstenaars Chris le Roux en Jeanette
Navrae aan Lena by 014 743 1325
- **Saterdag 14 April vanaf 09:00: Gemeente Secunda Ingebruikneming van saal en jeugkompleks**
Lintknipseremonie en minibasaar
Oudlidmate en belangstellendes welkom
Vanaf 16:00 osbraai
Verwittig sekretaresse by 017 631 2796 (Ma-Do 09:00-13:00) as u gaan bywoon
- **Woensdag 18, Donderdag 19 en Vrydag 20 April: Gemeente Vryburg**
Gemeente beman 'n skoustalletjie
Benodig 120 sakkies aartappels en 40 sakkies uie
Is daar 'n groenteboer wat kan help?
Asseblief teen 'n goeie prys of dalk as skenking
Kontak ds Jasper van der Westhuizen by 083 415 2555 of 053 927 1379
of jpcvdw@lantic.net
- **Saterdag 21 April: Gemeente Koster: Minibasaar**
07:30 tot 14:00 op kerkterrein
Vermaak vir groot en klein
Plaasontbyt, teetuin, vleis, tuisgebak, ens
Navrae aan elmie@bafokeng.com
- **Dinsdag 1 Mei: Gemeente Potchefstroom: Noordwes Motorskou**
Op Kerkplein in Potchefstroom van 07:00 tot 15:00
20ste keer!

Meer as 350 ou motors, talle vlooiemarkstalletjies
 Kosstalletjies met heerlike kos
 Toegang R15 per persoon
 Kontak ds Willem Kok by 083 664 0058

- **Dinsdag 1 Mei: Gemeente Vaalharts
 Vaalharts-kontreifees**

In Hartswater, Noord-Kaap
 Marathon en halfmarathon
 Bergfietswedren: 30 km en 60 km
 Kontak Riaan Esterhuizen by 082 453 6889

- **Jagkompetisie: Trekking 1 Mei tydens fees**


1ste prys: 1 waterbokbul, rooihartbeesbul, 2 springbokke en 1 rooibok
 2de prys: 1 gemsbokbul, 2 springbokke en 2 rooibokke
 3de prys: 1 blouwildebeesbul, 2 springbokke en 1 rooibok
 4de prys: Naweek vir 'n gesin op 'n wildplaas – selfsorg
 Wildplaas in Hartswater-omgewing
 Jagters: Geen dagfooie; selfsorg
 Slegs 500 kaartjies beskikbaar teen R200 elk
 Kontak Gerrit Staats by 082 414 9643

- **Vrydag 25 Mei: Gemeente Klerksdorp-Doringkruin
 Basaar en kontantfondsinsameling**

Kaartjieverkope met pryse te wen
 Kaartjies R10 – koop boekie met 25 kaartjies teen R200
 en kry laaste 5 kaartjies gratis
 Trekking 25 Mei tydens basaar
 1ste prys: R10 000 kontant
 2de prys: 5 kg maalvleis, 5 kg wors en 2 kg biltong
 Persoon wat wenkaartjie verkoop, kry R1 500 kontant of 'n slagskaap
 Navrae aan gemeentelike kerkkantoor by 018 468 5545
 of oudl Roenie van Zyl by 082 458 1257

- **LA MARIJA GASTEHUIS**

Bed-en-ontbyt
 Wonderboom, Pretoria
 En suite-kamers
 Boomryke, rustige woonbuurt
 Veilige sekuriteit
 Naby N1, Zambezi en NHK Gemeente Wonderboom
 5 km van Kolonnade-winkelsentrum
 Skakel Clarika by 082 802 9321 of e-pos reservations@lamarija.co.za



ANDER NUUS

- **VAKATURE: Rekenmeester (kontrakaanstelling van 2 tot 3 jaar)**

Die Sinodale Kantoor van die Nederduitsch Hervormde Kerk van Afrika nooi geskikte kandidate om aansoek te doen.

Minimumvereistes

- o BCom of gelykwaardige kwalifikasie.
- o 5 jaar toepaslike ervaring.
- o Rekenaarvaardigheid in *Microsoft Office*.
- o Bestuursvaardigheid met *Accpac* en *Pastel* uitset wat die ontwikkeling en interpretasie van bestuursinligting insluit.
- o Werkbare kennis van toepaslike wetgewing, byvoorbeeld NKW, WBTI en Inkomstebelasting.



- o Uitstekende kommunikasievaardighede in 'n verskeidenheid situasies en voorleggings.
- o Geldige rybewys.

Daar word van die kandidaat verwag om as spanlid te funksioneer en, in die besonder, binne die etos van die Nederduitse Hervormde Kerk van Afrika tuis te voel. 'n Onderhandelbare vergoedingspakket wat verpligte lidmaatskap aan die personeelpensioenfonds en mediese fonds insluit, word aangebied.

Sluitingsdatum vir aansoeke is 16 April 2012. Rig volledige CV aan:

Afdeling Mannekrag
Mev Susan Moore
Posbus 2368
Pretoria 0001
mannekrag@nhk.co.za
012 322 8885
Faks: 012 322 7909

- **DIE ONDERSTEUNINGSRAAD: VAKATURES**

Daar is tans poste vir gekwalifiseerde Maatskaplike Werkers by:

- o Brakpan
- o Krugersdorp
- o Potchefstroom
- o Vanderbijlpark.

By die Pretoria- en Lydenburg-kantoor is poste vir Afrikaanssprekende, gekwalifiseerde Hulp-maatskaplike-werkers wat oor 'n geldige rybewys beskik.

Kontak Mariaan Steenkamp by mariaans@nhk.co.za of Charmaine Fourie by oraadpb@nhk.co.za, 012 322 8885 x313 of 071 684 7796.

- **BYBELGENOOTSAP**

- o **Motorfiets-ontbytrit om Bybels te borg**
Sondag 1 April om 09:00 vanaf Radio Laeveld
Fauriestraat, Mbombela
Ongeveer 120 km deur mooiste natuurskoon
Span uit by Cradle of Life-sentrum by Badplaas
Elke deelnemer koop as *inskrywingsgeld* een of meer Bybels
Word versprei onder Mbombela-gemeenskap
Kontak Francois Sieberhagen by 011 970 4010 of 083 389 0708

- o **Word Riders besoek Noord-Kaap**
Saterdag 14 April
Motorfietsryers uit Bloemfontein vertrek op reis deur Noord-Kaap
Besoek skole in minderbevoorregte dele
Deel Bybels uit aan graad 7-leerlinge
Kontak Bybelgenootskap by biblia@biblesociety.co.za om betrokke te raak

- **TOIBO: Transvalia 40-jaar-reünie**

Saterdag 5 Mei 10:00-16:00
Transvalia-skool vir Epileptici en Leergestremdheid
R120 per persoon, R20 vir kinders onder 12 jaar
Middagete, uitstallings, opvoering deur huidige leerders, kindervermaak
Skakel skoolkantoor voor 20 April by 012 800 1071
en laat weet hoeveel persone reünie gaan bywoon
Inbetaling by bank of per internet
Merk betaling duidelik met jou naam en die woord REÜNIE
ABSA Derdepoort, takkode 33-52-45
Tjekrekening nommer 1430-840-203
Alle oudleerders en/of -onderwysers baie welkom
Kontak Arina Jooste by 012 320 7644 of 082 560 5213





ADVERTENSIES waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die *e-Hervormer* geplaas word. Dit bestaan hoofsaaklik uit **teks van ongeveer 110 woorde** (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Indien 'n jpg-weergawe van die advertensie voorsien word, moet dit **verkieklik nie groter as 'n standaard besigheidskartjie** wees nie. Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na produksie@nhk.co.za. **GEEN** advertensie sal geplaas word sonder dié bewys nie. Die teks en bewys van betaling moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge. **Die koste is R150 per plasing.**

Die verskuldigde bedrag moet uitgemaak word aan:

Raad van Finansies

ABSA Bank

Tjekrekening nommer 020-000-287

Takkode 632-005

Verwysing: u naam + e-Hervormer Ads

KOMMENTAAR

Lesers kan kort kommentaar (**uiters 100 woorde**) stuur aan produksie@nhk.co.za. Langer bydraes sal nie geplaas word nie, en moet eerder na die gespreksforum van die Kerk se webblad by www.nhk.co.za gestuur word. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

Oor verlede week se kommentaar rakende die preeksketse: "Kan 'n mens nou meer! In my werk, en ek is ook opgelei en toegerus vir my taak, is ek tog te dankbaar vir bykomende inligting om my weer te laat fokus op wat ek besig is om te doen. Ek kan dit gebruik of nie. Ons moet weet 'n mens kan stagneer, in so 'n mate dat jy nie meer agterkom dat jy in 'n groef is nie."

Danie le Roux, Vaalpark

Oor die preeksketse: "Ek wil net graag baie dankie sê vir die preeksketse. In die lig van die laaste uitgawe van die *e-Hervormer* met die kommentaar van ds DA van Rooyen, het ek gedink dit is goed om net terugvoer te gee van ons gemeente se kant af. Ek verstaan nie regtig ds Van Rooyen se kommentaar nie. Wat is preekbundels dan? Of leesroosters? Of die *Bybelse Dagboek* se dagstukkies?"

Ds Thinus van Staden

Oor die Bemiddelingskomitee: "Dit bly vir my 'n probleem dat daar met soveel geduld met die sogenaamde steedsHervormers omgegaan word terwyl hulle openlik jukseibreekers blyk te wees. Die AKV het tog by herhaling geleentheid gebied dat besware teen die besluit oor die afwysing van die vorige regering se apartheidsbeleid behandel word, maar die besluit van die AKV se standpunt is herbevestig. Nou word goedsikks toegelaat dat 'n Vereniging vir die beswaardes binne die kerkstruktuur kan bestaan. Dit is net nie aanvaarbaar nie. Die stert kan tog nie die hond swaai nie."

Dr Ernie Jacobson

Gemeentes kan gerus oorweeg om die Kerk se reeks Bybelstudiegidse vir hul Bybelstudiebyeenkomste van 2012 te bestel.

Die Ons Vader-gebed. Hierdie Bybelstudie vergelyk die twee weergawes van die Ons Vader-gebed in die Matteus- en Lukas-evangelie met mekaar. Leer so wat Jesus oor gebed onderrig het.

Bewaar wat aan jou toevertrou is. Leer meer oor die pastorale briewe 1 en 2 Timoteus en Titus. Maak die raad van 'n ervare Christenleier aan leiersfigure van sy tyd ook op jouself van toepassing.

Briewe van Johannes. Ken jy en leef jy die liefde wat alles gee en tegelykertyd alles vra? Lees wat die Johannes-briewe ons leer oor die liefde wat aan die lewe die regte betekenis gee.

2 Petrus. Een van die minder bekende en daarom minder geliefde geskrifte van die Nuwe Testament – en tog bevat 2 Petrus 'n boodskap wat vir Christene vandag steeds van groot betekenis kan wees in hul persoonlike lewe en gemeentelike betrokkenheid.

Om die Bybel (beter) te verstaan. Hierdie handleiding wat in 2008 verskyn het, is steeds beskikbaar. Dit is bedoel om lidmate te help om die Bybel reg te lees en beter te verstaan.

BINNEKORT: *Bybelstudiegidse oor Filippense*

*** Hierdie Bybelstudies is teen **R30 per eksemplaar** (posgeld uitgesluit) van mev Susann van Zyl van SENTIK se boekwinkel beskikbaar. (*Om die Bybel (beter) te verstaan* kos R35.) Kontak mev Van Zyl by 012 322 8885 x291, faks 086 633 4054 of e-pos sentik@nhk.co.za. Ons wil tog maar voorstel dat lidmate probeer om met die boekie self te werk en nie met afdrucke daarvan nie – so 'n werkboekie kan lank na die Bybelstudiegeleentheid steeds 'n inspirerende bron wees om weer en weer te noordink



UNIVERSITEIT VAN PRETORIA

Die Universiteit van Pretoria se verbintenis tot kwaliteit maak ons een van die top navorsingsuniversiteite in die land en gee ons 'n mededingende voordeel in internasionale wetenskap- en tegnologie-ontwikkeling.

In navolging van die ideale van uitnemendheid en diversiteit, word aansoeke vir die volgende pos ingewag:

FAKULTEIT TEOLOGIE

DEPARTEMENT OU-TESTAMENTIESE WETENSKAP

SENIOR LEKTOR/MEDEPROFESSOR/PROFESSOR (EEN POS) (VERW. 20742)

Hiermee word bekend gemaak dat 'n permanent-voltydse vakature ontstaan het in die Departement Ou-Testamentiese Wetenskap van die Fakulteit Teologie aan die Universiteit van Pretoria.

Die pos moet ingevolge 'n ooreenkoms tussen die Universiteit van Pretoria en die Nederduitsch Hervormde Kerk van Afrika (NHK) deur 'n predikant van die Kerk gevul word.

Pligte: Die bekleër se primêre verantwoordelikhede sluit die volgende in (maar is nie beperk nie tot): * Doseerverpligtinge op voorgraadse en nagraadse vlak in die dissipline van Ou-Testamentiese Wetenskap * Die nakom van navorsingsverpligtinge en -take soos deur die Fakulteit Teologie neergelê * Betrokkenheid by komitees van die Fakulteit Teologie * Betrokkenheid by die werksaamhede van die Departement.

Minimum vereistes: 'n Doktorsgraad in Ou-Testamentiese Wetenskap.

Die posvlak sal bepaal word na aanleiding van die kandidaat se professionele portefeulje. Die volgende standaarde is 'n aanduiding tot 'n bepaalde posvlak:

Senior Lektor: * Bewese belangstelling in Ou-Testamentiese Wetenskap (wat byvoorbeeld blyk uit akademiese en populêr-wetenskaplike publikasies).

Medeprofessor: * Ten minste drie jaar doseerondervinding/betrokkenheid by 'n tersiêre onderwysinrigting * 'n Bewese navorsingsrekord van akademiese publikasies in Ou-Testamentiese Wetenskap * Nasionale erkenning as 'n gevestigde akademikus * Suksesvolle begeleiding van nagraadse studente op magistervlak.

Professor: * Ten minste vyf jaar doseerondervinding/betrokkenheid by 'n tersiêre onderwysinrigting * Gepubliseerde navorsing en eweknie-beoordeelde publikasies in nasionale en internasionale geakkrediteerde tydskrifte * Internasionale erkenning as 'n gevestigde akademikus * Suksesvolle begeleiding van nagraadse studente op doktorsvlak.

Die jaarlikse vergoedingspakket vir hierdie pos sal in ooreenstemming met die suksesvolle kandidaat se kwalifikasie- en ervaringsvlak wees. UP onderskryf die BESTMED mediese skema en dra 50% van die toepaslike maandelikse paaierement by.

Aanzoekers word versoek om elektronies aansoek te doen op die Universiteit se webwerf: www.up.ac.za met vermelding van die toepaslike verwysingsnommer.

Om aansoek te doen vir hierdie pos, heg asseblief aan: * 'n Omvattende CV * Gesertifiseerde afskrifte van kwalifikasies * Die name en kontakbesonderhede (e-pos en telefoonbesonderhede) van drie kontakbare referente * Die name en kontakbesonderhede van eweknie beoordelaars (akademie en navorsing) * Selfevaluering.

Sluitingsdatum: 30 Maart 2012

Geen aansoek sal oorweeg word as dit na die sluitingsdatum ontvang word nie, of as dit nie ten minste aan die minimum posvereistes voldoen nie.

Navrae: Prof J Buitendag, tel. (012) 420 2322

Indien daar nie teen 31 Mei 2012 met u in verbinding getree is nie, aanvaar asseblief dat u aansoek onsuksesvol was.



UNIVERSITEIT VAN PRETORIA
UNIVERSITY OF PRETORIA
YUNIBESITHI YA PRETORIA
Denkleiers • Leading Minds • Dikgopolo tša Dihlalefi

www.up.ac.za skakel: Careers@UP

Die Universiteit van Pretoria is verbind tot gelykheid, billike diensbetrekkinge en diversiteit. Alle kandidate wat voldoen aan die aanstellingsvereistes word uitgenooi om aansoek te doen. Ooreenkomstig die Gelyke Indiensnemingsplan van die Universiteit en die doelwitte en teikens wat daarin vervat is, mag voorkeur verleen word aan kandidate uit onderverteenvoordigde aangewese groepe, maar word nie tot sulke kandidate beperk nie. Die Universiteit van Pretoria behou die reg voor om nie 'n aanstelling in die pos soos geadverteer te maak nie.